

衡

華

館

詩

錄

蘅華館詩錄卷一

長洲王 韜 仲弢

美女篇

長安春日麗衆女相翱翔生小同里閨一姝宛清揚纖纖見
紫手娟娟曳羅裳白玉爲環瑱黃金爲釵梁梳櫛薄蟬鬢結
束墮馬粧清羸憐顧影善睐含明光姊妹皆有媚鴻鴈翩成
行傾城詎獨棄所貴持貞良朝繡百蛺蝶夜織兩鴛鴦苟非
中心好禽費徒相將圓月倏已缺好花不終香區區何所託
中夜起徬徨

反白頭吟 并序

媚人有草療妬無藥不聞中山狼嗥但聽河東獅吼
舉世靡靡古今一轍余非敢姍笑通人名士也亦等

諸客嘲賓戲之流耳則以此詩爲相如解穢并作討
文君檄可也

鸛鵲比翼飛燕燕交頸宿微物尙如此人乃違所欲文君昔
日奔相如得託琴尾遂願初相從中夜成都市牛衣犢禪何
足耻曾不同首憶成皇消渴又到茂陵子琴心琴心何忽變
新人未來故人賤自家剛作長門賦反道新人勝於故象牀
珊瑚枕多恩愛眉痕濃比巫山黛茂陵女子那有此相如是以
能中止不然白頭吟祇數十字豈能倏忽回其意或謂文君
非薄情一逢知己忘不更誓言儘託鴛鴦樹移性祇求鸛鵲
羹啼紅泣綠嬌如許性卽奇妒容可取古來嫖母紛無數何
妨氣短胭脂虎吾曰唯唯否不然迴波棹棹徒相傳奈教同
抱文園病無人參破美人禪

小庭紅藥已謝感而有作

剪風吹上碧窓紗杯酒匆匆負歲華
今雨不來思舊雨此花開後更無花
一春夢短辭粧閣絕代人憐住小家
休怨韶光多寂寞簾鉤正好月初斜

風雨連朝春光將盡杯酒獨酌
帆復黯然飄滌盦師餞春諸詩
悵觸於懷遂成長句

前村鷓鴣夜呼急簷雨如注疾風疾報
道東皇今又歸起看簾外花枝濕娟娟
啼眼不曾乾雲鬢霧鬢倚闌干木棉尙著
袂衣薄春愁送得留春寒家人爲剪園中
蔬刷筍自攜鴉嘴鋤鱸魚肥矣鰕魚瘦
青青豆筴登槃初忽枉詩篇成一束急
管繁絃指下促嬋娟名士易銷魂喚醒春
婆夢未足我今對酒憶前塵錦瑟年華長
似人綠葉成陰空有恨紅顏小駐豈

無因願將玉液醕冰老羅敷莫便工愁早一任天涯怨落花
由他庭院生芳草花開花落總尋常春來春去何忽忙年年
歲歲常如此何必摧抑增感傷君不見潘黃門行年三十鬢
毛改又不見杜牧之湖上尋春運十載玉臺金粉半消沈水
不西流遺恨在

夜雨小集青蘿山館

時光櫻筍小廚開折柬招吾聽雨來窓底剪燈牕共話席間
賭酒漫相催詩豪終讓玉山主量大何辭金谷杯裙屐風流
今可繼捐狂亦是出羣才

枰戰爭先未敢誇聯詩韻險限尖又留春計拙人無寐刻燭
吟成筆有花先得驪珠還剩爪不妨螳臂更當車銅壺漏箭
休頻滴競擘苔箋塗老鴉

積雨

輕寒簾底燕初飛
早起溟濛雨漸微
阿母何勞搜故篋
今年應不著生衣

怕聽前村鳩婦呼
庭前半畝變成湖
水深聞說江魚賤
爭遣兒童入市沽

并少街頭屐齒聲
風狂雨急斷人行
朝來總覺炊煙重
遮住疎林不肯明

數處秧歌唱已休
水車漕漕決渠溝
低田漸見新苗沒
多少農人相對愁

樹陰濃綠壓簷端
風雨陰森入夏寒
壞壁半畝茅屋漏
又吹急點上闌干

徹夜沈沈簷溜懸
偏災何意厄今年
無田亦自愁飢餓
米價

朝來已倍前

送楊醒逋之杭州

惘惘出門何所之可憐賤士爲別離束裝躊躇不敢發動足
荊棘涕淚垂不知此行亦快意武林山水天下奇清游自足
飽閱歷男兒豈在憂寒飢要令吸盡西湖水洗出胸中冰雪
詞君家外舅獨太守罷官已久囊無貲仕宦不足救貧乏向
來廉操衆所知今年吳中盛水患眼見秔稻收無期歲荒人
情益劣薄飢驅枉自東西馳私冀浙俗或稍厚戚友投贈能
先施送君行矣雨不止泥塗滑滑行遲遲莫愁所適寡諧合
且與君飲盡一卮

雨中感事

一雨連宵旦蕭森夏似秋三旬稀見日五月要披裘晴霽猶

無望霽霖未肯休天心究仁愛可慰杞人憂

但覺晝沈沈涵空水氣侵風高雲色厚晴薄日光陰已抱憂
飢歎徒深望歲心江村成巨浸遠近起哀音

淮南聞水漲幾處集流民鴻雁同飄泊關河多苦辛艱難籌
義賑飢溺軫皇仁滿目流離者三吳近亦貧

頻歲桑麻絀今年杭稻無偏災連郡縣高漲失江湖眼粟愁
官吏探丸恃黨徒撫綏司牧事誰繪鄭監圖

歲歉人情薄民飢性命輕米船何日至市價未能平波向林
間湧船從岸上行此鄉真澤國輪泄早籌衡

溝瀆囑循古隄防法本疏沮洳爭曠土橫決失歸墟媿乏年
荒術空談水利書終朝閉門坐嘆息此窮閭

自海上寄醒逋

竟與君相別扁舟滬濱行暮雲低作雨涼雁悄無聲葉落樹
猶密水寒波亦平芙蓉不可折遙見故人情

江水渺難涉江花寒欲凋湖山見真相文字破無慘骨肉悲
情極功名熱念消浦東雲樹裏目送客帆遙

我爲斯行役相憐亦有人寡言緣作客多病倍思親春枕潮
來夕喧簷雀及晨蕭然窓底坐近况那堪陳

尊酒懷諸子寒燈客遠途歌呼猶昨日憔悴奈今吾桐葉客
中落月痕夢裏孤嗟君不得忘同是爲飢驅

蹤跡偏隅滯登臨感慨多鄉關不可望風雨有誰過高會非
詩酒佯狂託嘯歌閉門祇蹇臥示疾似維摩

簷網窻塵裏茶爐颺篆烟無貨服苓朮多感廢詩篇衣食愁
貧歲艱辛厄盛年天涯倘相憶見此應淒然

口占

冷雨疎風獨掩門客中臥病與誰論一燈窻底還家夢愁聽
荒雞啼遠村

除夕集天風草堂謹同滌齋師韻

風雨寒江阻客船虛堂燭影對娟娟莫談往事皆如夢自有
前因休問天浩蕩行程游子淚蹉跎書札故人憐今宵杯酒
殷勤勸暫屏清愁且學仙

悲秋曲

悼楊碩人也碩人沒於庚戌九月越一年追悼作此
西風乍起寒惻惻疎簾細雨昏如墨非因病酒黯傷神只爲
悲秋無氣力往事零星觸緒來淚痕沾臆心先哀四年聚首
纔一瞥柔腸半刻有千迴憶昔新婚偏早起晚窓不把殘粧

理長眉慵畫遠山青雲掩亂插春花紫片帆我作錦溪游錦
溪十里波如油踈地垂楊不堪綰可憐粧閣帶深愁鄉夢迢
迢江水隔偶然見面歡何極睽違容色未能歸飢懣情懷空
自惜謝家庭院落楊花垂髻嬌女語牙牙已能覓棗偏憐母
亦解翻書慣惱爺其時我已旋閭閑歡娛不覺星霜換小飲
窓前髩影斜獨行牆畔花陰亂詎知事變本無常一家骨肉
盡慘傷痛殺高堂已垂白劇憐遠道走蒼黃蒼黃又放江邊
櫂暮煙漠漠風峭峭怕聽寒夜長新潮愁望故鄉懸夕照江
邊欲得兩間廬扁舟載得來偕居拈鍼鎮日間挑繡擁髻終
朝伴箸書訛識無因到梓里關心手足驚何已忽忙一舸促
雙歸離別三番成九死別後情懷更不同相思顛倒夢魂中
盡將客緒緘雙鯉嬾把家書付隻鴻隻鴻雙鯉傳來便夏尾

秋初未相見浪說懷中已有麟又看秋末將歸燕秋深況是
月團樂薄薄羅衣耐早寒漸悟因緣真有限那知憔悴竟無
端我爲此事常悵快汝不能來我難在極浦烟迷斷數峰長
堤人去划雙槳忽然雙槳到江頭一朝握手淚先流對我強
懽開笑口厭人喚起下簾鉤棗花簾外西風透懽懽不語憎
長豐自識宵來夢渺茫始驚鏡裏容顏瘦瘦來骨立似香桃
塵滿粧臺翠黛消小病已深猶自諱長宵不寐更無聊無聊
側聽啼蜚急開塔微雨窓紗濕欲到家時空斷魂未成仙去
先絕粒沈沈一病入膏肓從此淒然不下牀豈有靈蘭誇妙
術空傳海上返魂方嬌喘如絲頻訣別此刻肝腸幾寸裂欲
言又止意纏綿掩泣無聲聲哽咽阿母聞知心更悲吳門鼓
櫓來非遲彌留一見不能語喚汝千聲微有詞桐樹半枯木

葉下玉釵已折羅裙化偕隱難期白首歸長離早把青鸞跨
院落天風響佩環人海茫茫永不還銀燭窓前明昔昔舊衣
架上翳斑斑殘燈孤館真淒絕迴廊獨自尋踪跡熏爐香冷
鷓鴣空嶂繡榻塵多遺墜舄空闌小坐易黃昏愁疊重衾見血
痕寂寞閒庭花影謝叢殘遺篋藥囊存一棺送汝東郊去含
酸獨立悄無語最憐孤鳥不成鳴底事宵長未肯曙淒涼無
計作悲歌零落天涯怨更多半蓋濁醪營薄奠一鉤殘月掛
藤蘿此生自分青衫老離憂難起多於草已了前因哭枉然
難填癡願潛身禱冥通幽感隔重泉經案繩牀度歲年此情
亘古無終極爲作招魂賦一篇

從兄竹筍至海上

此來曾不意相見各淒然生死家門淚辛酸骨肉緣支持逢

歉歲飄泊感華年明日愁分手寒途慘暮煙

移家滬上作

瘁葉悲隕樹病鳥愴離巢豈余非人情甘作秋蓬飄少小慣
爲客里居多無聊今茲遠鄉縣獨處耐寂寥顧念白頭母憂
子心惓惓更憐小弱弟久已詩書拋吾躬事叢集此舉敢憚
勞曰卜一廬宅塗茨爲誅茅

昊天胡不用鞠凶丁我躬葛帔走風雪忍飢敢言窮一朝落
海上夫豈由余衷根本詎弗重饘粥何由充嗟予事大舛磨
蝎在命官動如金躍冶嘲誚叢吳蒙豈有伯通廡令我安賃
春因之決行計仰視寥天鴻

我家居里中及今閱三世卽我住此廬亦已逾十歲先人立
門戶辛苦心力敝前年遭大水研田細生計含淒急出門倉

卒麻鞋繫門祚感衰微骨肉驚飄逝庭樹色依依對之屢揮
涕再拜從此去銜哀告家祭

送夙葆初歸閩

讀書須識忠孝字閱世當知經濟事夙生抱負異凡庸空懷
耿耿平生志飢驅來作江南遊出門便爲衣食憂男兒在世
不得意徒以箸述期千秋自我識君在己酉兩世交情覺更
厚偶參西學析微茫時於講席解紛糾側聞草澤徵賢才特
詔元戎幕府開羽書嶺嶠連朝急鼙鼓湖湘動地來滿眼烽
煙天地小扁舟歲月江湖老淚落雙親念故鄉片帆遙指閩
中道聞中學術素推崇魁儒碩彥餘宗風夙生窮經向所習
李常而後此抗踪此才豈合長貧賤報國心肝終不變叩
闕欲上萬言書對策羞爲三語掾江南十月天氣寒西風送

別臨江千鳳鸞消息長相憶此去滄溟縱羽翰

擬杜諸將

狂飈偏撼粵西東極目烽煙感慨中北控雄關當虎豹南征
甲士慘沙蟲誰先蕞突陳奇計空向疆場策戰功今日燎原
嗟已及會看勝算出元戎

南來消息動驚疑北去羽書日夕馳世亂頑民輕門殺時清
司牧寄安危皆言裴度能平賊又見班超重出師欲挽銀河
洗兵甲功成旦暮奏軒墀

朝廷節鉞重專征願竭忠貞答聖明空灑渡河宗澤淚同傷
臥病武侯營大星已向三台落青史徒留一代名自古湖湘
爭戰地誰能控扼用奇兵

鼓角如雷動地來氛纏三楚肆奇災襄樊險塹成孤注褒鄂

威名非將才坐使擁兵全局壞安辭疎寇暮營開似聞早下
賢良 詔應有徵書到草萊

徵兵轉饒日騷然運會艱難事變遷投筆終軍思報國上書
卜式助輸邊幻吹妖霧迷三里潛伏凶機近十年將帥卽今
天下選要憑 廟畧計安全

聞客譚近事有感

男兒生不必封萬戶俟死不必崇千尺邱但願殺賊誓報
國上紿 當宁南顧憂不然坐籌幕府出奇計凶渠自請長
繩繫功成長揖歸里閭自此絕口談經濟當今潢池兵氣驕
騰天妖火驚江濤 朝廷出師重民命連營客將徒逍遙軍
中久望廉頗起旌旄未至身先死一代勳名哭偉人千秋議
論空餘子堂堂經畧門開養威持重稱將才危城賊騎繞

三匝連驛羽書催百回兵事一悞堪再悞雄關如此竟飛渡
眼看豺虎可成禽坐擁貔貅猶不赴八十日圍風雨愁此係
天意非人謀保全幸得九重喜軍報俄傳失岳州
自古號重鎮管鑰實司南北命一朝形勢失所據江漢紛紛告
兵警國家昇平二百年廢弛武備疏防邊可憐萬衆苦鋒
鏑何時四海無烽煙一身飄泊長天地敢以蠅才輕一試蕭
娘呂姥彼何人若輩徒壞天下事

顧師書來知蟬叔世弟之殤寄輓三首

慘殺驕兒死瞻依僅五年達人方自艾極憾總難填索賸窺
耶意擎花得母憐而今成底事一夢付秋煙
記得纔周晬堂前一見之已能將筆弄略不近兒嬉淪謫歸
嫌晚聰明厄轉奇敢憑山簡語草草慰吾師

秀骨原無匹瑤枝定較長頻年罕見面到此劇迴腸凍鯉絨
哀冊荒鴉泣夕陽何時重載酒入室話淒涼

題寄顧師淚海集

驚鴻夜逐寒潮起海角羈棲念鄉里吾師遠道寄書來點點
斑斑血滿紙歌詞紀事痛難名傷哉又喪西河子我亦時常
淚不乾一年一哭家人死

先君子後越一
年聖人夢繼又卒

昔游苦憶玉山

堂蘭摧玉折悲何似九州縱覓返魂香萬古難回東逝水金
環莫再問還來露電泡影須臾已情天總付一劫中方知佛
氏無生旨

題秋燈讀畫圖

小閣疏簾耐夜涼一絲燈裏漏秋光宵闌吟罷無聲句落葉
聲乾走暗廊

滿林風雨暗模糊展卷焚香興未孤怕蹈歐陽老窠白不教
人寫讀書圖

雙壁行贈延陵兩公子

草堂方報梅花開今朝吳質翩然來握手歡迎爭倒屣淪茗
小坐重徘徊阿連昆季皆俊秀前身應是謫蓬萊文章並美
稱雙壁姓字聯輝著八垓關門籲俊珊瑚網濶方今濟時需奇
才英姿競爽廟堂器交柯珍木非凡材君家觀察蒞茲土民
風丕變俗敦古去年禱雨廬焦勞分明愷澤及農父堂前相
映看壁人塔下成行粲玉樹雙丁兩到已足誇况兼三鳳尤
能舞君從兄小峰亦雋才和鳴雲路爭翱翔秋高俱展凌霄羽竭來省
親到瀛壖高軒過我快先覩入春七日景物新春風識面偏
相親昵旣自憐仍故我扶搖直上豈猶人佳士鳳毛可無媿

世家麟角自有真卽看一舉得高第定知早歲稱詞臣跨馬
京華去射策多少青雲逐後塵芙蓉鏡裏聯花萼珍重泥金
報我頻

至吳淞訪周丈不值卽用其壁間元旦詩韻却寄

飢驅出門走久別故園竹枯蟬時禁聲寒雀噪晨旭况復遭
亂離空把昇平祝江山歎陸沈庶幾天心復民戶多流亡漸
不充饘粥書生百無能反飽侏儒粟扁舟海上歸倉卒換時
局間道問淞濱春事轉紅綠訪君旣不遇又嗟塵網縛中流
繫楫歌慨彼楚氛惡何年息壤盟及時而行樂

四月六日集沈氏僊鶴山房同人李壬叔蔣劍人孫笠
舫分韻得酒字

吾與休文交曾不二年久落落魄眼中人滬城大如斗乾愁不

出門行樂復何有消閑一卷書排悶百壺酒今春忽已過
筭老不適口亂紅擁萬花濃綠圍衆柳時光滿眼非招隱共良
友蔣詡天下士李頎世無偶韜也雖不才未敢居人後今日
集此堂小飲帆及酉酒酣愁更來豈曰掃愁帚方今寇氛惡
騷擾遍淮右六代好江山竟作豺虎藪我輩徒經生誰能展
一手毋笑孫樵癡常思歸隴畝

孫君有歸耕之約

市上問荆高吾其

爲屠狗

題焚香讀易圖

近世談經九十家徧搜奇字學侯芭無言危坐參真諦不問
庭前有落花
乍寒微雨入疎簾香燼熏爐嬾自添消息箇中誰領畧東風
袖手一巡檐

夢裏三爻曾徧讀今朝展卷費凝思從旁拍手應相識卽是君家玉雪兒

夏日閨中雜詠

多病多愁強自寬不情不緒更無端宵深枕簟渾如炙願祝蒼天六月寒

蠹書仙窟寄閒身紋扇初題墨尙新新著單紗還怕熱細揩香汗避生人

疏桐陰底小庭幽簾外溟濛雨未收涼殺夜深花影瘦海棠先帶一分秋

堦前小立晚風微花影都隨月上衣玉骨自憐無一把比來還冀菊花肥

海上歸留宿笙村孫氏舍

吾識孫樵久躬耕返舊林暫歸滄海機重見故園心
鷄犬田家樂桑麻野趣深江鄉足風景卜宅費沈吟

養病容高枕茲來亦有因閉門思種菜臨水愛垂綸
何必嗟游子偏宜號散人相期爲小隱杞菊作比平隣

全家歡見面團坐話深更屢作還鄉夢彌傷別母情
江村還足食湖海未休兵暫息征人轍歸耕志未成

笙邨紀夢

萬種相思一紙緘驚鴛四角寫廻環約來眉閣初三月
身到銀河第幾灣見面分明非夢裏言情縹緲豈人間
珍珠密字從頭顚背拭啼痕慘玉顏

靈簫墨會託神仙今夕相逢休問年事到難言卿自解
容誰可比我猶憐花間玉笛涼無語枕畔銀燈照不眠
碧玉紅牆

原咫尺重來未必隔人天

重紀夢

夕陽樓閣易昏黃
深鎖葳蕤隔畫堂
紅印私疑消蜴蜥
綠陰還許覆鴛鴦
重來花影迷崔護
再熟胡麻賺阮郎
一度相逢一惆悵
歡娛轉自蕩迴腸

不隔青山隔絳河
中間淼淼逗微波
團圓樂時識今番
暫離別憂從前度多
詩到無題託花月
人原絕代住煙羅
鳳鸞消息天涯遠
翹首靈脩問若何

新秋卽事

雲近天河暑作波
年年今夕恨如何
湘簾涼月移花影
團扇西風卻畫羅
紅蓼江頭知信早
碧梧院落聚秋多
鬢絲漸欲如潘岳
禪榻從渠懺酒魔

簡胡舒塘廣文

同作瀛壖客無嫌過從頻談經搜秘笈講學重先民薄俗輕
文字雄心擾米薪嗟予滯羈旅牢落處風塵

送麥西士回國

創調驪歌海外行迢迢七萬里征程潮從黃歇江邊熱月自
袁公壘畔生花底禽言添別恨樓頭琴語帶離聲

二女公子
皆善操琴

撫今追昔無窮意更著天涯兩地情

知己平生首數公海邦物望最爲崇學從天授推無敵道自
西來證大同有媿龔才憐阮籍不將奇字詫揚雄八年聚首
情如昨歲月因循感慨中

海雲黯黯水舒舒慘淡離筵判袂初飄泊自傷遊子淚蹉跎
未報故人書

詞英君
魏茶

仲宣無主難爲客鮑叔憐貧實感予此

後登樓倍惆悵高梧葉落景蕭疏

某邱某水記來偏憶著童游應惘然故國河山如昔日中原
烽火靖何年從公欲作褰裳想避世誰爲招隱篇滿眼亂離
無可託歸耕未蓄買山錢

題閒日讀書圖

世間好事那有此得閒蕭然讀書史男兒在世事業多安肯
低頭鑽故紙平生學劍愧無成弄此毛錐亦足恥我少卽爲
衣食驅十年辛苦徒勞耳殘蠶滿篋久生塵不識一丁快無
比賣書何能易米炊煮字終愁飢餓死君曰唯唯否不然不
讀書豈成佳士部居甲乙分後先偶著丹黃我所喜夜闌展
卷自呷啜燈影搖紅墨痕紫要讀人間未見書縱橫蝌蚪辨
疑似不屑沾沾鬼園冊以此弋第誇鄉里我聞君言意爽然

士各有志惟其是文章經濟從此出學同術異良有以還望
他時載酒來共讀南華研至理

遊東洞庭山

揚舫東下太湖濱躡石登臨眼界新不斷煙波千頃遠無邊
蒼翠四山春羣峰合沓疑無路絕島蒼茫未見人更上莫釐
最高頂狂風吹折郭公巾

是日余帽被風吹去

過第二酸齋小飲

突兀離懷借酒傾憂時常覺客心驚連天鼙鼓紅顏老滿地
江湖白髮生哀樂中年託詞賦亂離斯世薄公卿一杯入手
休辭却請看功名馬上成

同竹盦松軒買舟至海上夕泊新興鎮

結伴同尋海上居晚風飄拂蕩襟裾去家卅里鄉音改作客

頻年豪氣除亂世文章空賈禍憂時經濟孰陳書無聊且倚
篷窗坐剪燭清談興有餘

病足歸里呈顧師

養疴歸來已廿旬窮鄉風雨困斯人半人將作習鑿齒惡疾
幾同盧照隣剩有殘書盈我篋竟無良藥治茲身里中咫尺
難相見何日追隨杖履春

寄許起

衡宇相去僅二里岸巾枉過祇一回徒因疾病我難往倘無
風雨子可來文字不奇豈作崇科名無分竟爲災南鄰若遇
顧夫子好把新詩特地催

呈顧滌盦師同許起韻

許子玉筍見眎倡和之作并索繼聲欲遣茗兵以作

瓜戰壁壘整暇意將壓晉軍而陳韜多病廢詩已無
攬臂態作壁上觀可也因念吾師悼亡哭子頻有所
悲平原歎逝子山傷心兼而有之哀感實深不能無
詩非以慰之更益愁已

海上帆歸暮雨斜經年病足等匏瓜只因妨藥勸除酒那得
支筇行看花三十頭顱迴著錦尋常詩句敢籠紗平生無限
傷懷事背倚闌干手獨叉

過門叔重日初斜

讀玉篇
見過

解暑慙無一片瓜奇字行間微帶

草新詩筆底欲生花纏綿情比同功繭宛轉心如方空紗歎
逝傷離更癡絕虎頭垂老哭途叉

玉人舊住玉鈎斜待聘年華正及瓜誰料同心空有結生憐
薄命始爲花神仙小劫埋黃土風雨無情守碧紗我亦遺愁

苦無策聊拈險韻門尖又

哭子傷心淚點斜黃臺四摘已無瓜囊中自配君臣藥庭畔
還餘姊妹花缺月雲邊依舊樣

所編九節面
目驗自傳叔

西風扇底冷秋

紗

九弟生時師夢人贈以餅
屬未秋而捐其兆已見

嗟予更抱無錢歎錢盡空藏玉

局又

再呈顧師仍用前韻

前詩甫竟玉筍又復疊均見眎有角逐詞壇未知鹿
死誰手之語

看月西窓圓復斜機筵已過又嘗瓜砌苔滑展乍經雨鄰樹
當窻初著花銷夏詞填隨赤牘招涼幃更撤青紗年來自懺
緣多病老母持齋禮木叉

午涼冰簟笏紋斜睡起家人供藕瓜辟暑誰能心似水看書

自幸眼無花濕雲壓屋作微雨涼月入窓透薄紗欲賦閒情
擬潘岳豆棚小坐展了又

棱棱野田一徑斜思量學種廢侯瓜閒中書卷愁邊酒門外
桑麻屋後花從此閉關編赤雅何須側帽羨烏紗不知此願
何時遂慟哭佯狂路更叉

寂寞門庭蛛網斜誰憐我肯投瓜依人好似社前燕閱世
真同鏡裏花酒債未償書藥券春衣已盡典秋紗南鄰堪羨
整和尚檣步還能攜一叉

滬城感舊

有序

春申浦上浪跡八年間柳尋花間有所屬自患足疾
絕不復問此中人矣今歸里門鬱伊寡歡追念綺遊
真如夢幻宵闌月黑觸緒紛來玉溪錦瑟樊川綠陰

兼而有之悲感竊深用寫之詩所謂斷腸人遠傷心
事多也仍用前韻并索玉筍繼聲

藥爐烟裏鬢絲斜禦濕還宜製木瓜久已冥心思學佛安能
抱疾再尋花新詩索署裙邊字醉墨留題壁上紗昔日綺遊
今始悔迴腸百折念千叉

此是銷金舊狹斜餽金愧乏一瓶瓜叅來梵唄筵前笛散著
天魔袂上花水國嬌娃屯畫艦蠻方中婦障輕紗龕才已分
江湖老天遣飄零溫八叉

朱樓曲院道旁斜碧玉韶年初破瓜願作小星比桃葉自憐
薄命怨楊花二分月上三層閣一寸心通六幅紗沙叱飛來
人面改重尋香路恨多叉

移居城曲板扉斜亂後音如斷蔓瓜已不再圓今世月可能

重見此鄉花荒涼殘照昏頽壁冷落流螢點畫紗一度經過
一惆悵小橋欹側老藤又

有感寄紅裝閣內史仍用前韻

一曲清溪略彳斜自芟窓樹引棚瓜悲涼身世嗟空谷飢饉
年華怨落花秋後新愁多似葉宵深好夢薄于紗斷腸詩賦
傷心句何必閒吟手待叉

天涯海角片帆斜珍重傳書並饋瓜禳病替郎鈔貝葉遺愁
教婢供楊花思裁春勝搜紅帖愛貯名香繫絳紗窓列峰巒
眉黛綠亂山影裏路排叉

偶賦閒情點筆斜石闌小坐供茶瓜團樂怕見窓西月歡喜
空開堂北花今世緣難重合鏡此生事悞已裁紗紅鈴小字
私封好自剔寒燈倚玉叉

土牆茅屋竹籬斜。蔬食登槃慣食瓜。小住悔教留絮果。重尋
幸未失桃花。秋霜著樹紅于茜。香霧濛窓黑到紗。昨夕分明
耶入夢。私拈鞋卜禱羅叉。

題江弢叔小象卽送其之官浙江

四十年華過詞章。愈斬新抗心希古哲。俯首爲哀親亂世。多
奇士窮鄉見此人。平生飛動意相對。各沾巾。

海內頻聞警羽書。數驛傳馳驅。連遠道哀樂逼。中年伐叛紆
籌策。饒軍急稅錢。吾謀已不用。終讓祖生先。

長策今誰畫。偏才世亦奇。文名動江左。末契托羣兒。空著憂
時論。且芟憤俗詩。家貧親老矣。薄宦急營貲。

相期爲小隱。所幸是卑官。閱世心知少。論文眼界寬。罪言誰
我諒。痛哭更無端。復作臨斯別。詩成把劍看。

慰舍弟諮卿悼亡

弟婦夏氏柔淑知書娶未三載遽以疾殞年僅二十有二

昔我年廿三鼓盆遽召戚今汝年廿四彈琴復中絕年若境亦同哀情愴中臆汝嫺在異鄉淒涼誰慰恤汝婦在故里經營尙縹緲密值我病足歸摒擋事易集筭篋已頻搜有無盡吾力支持門戶難十載驅衣食汝婦出名家詩書原素習富固非我倫貧或堪相匹自從入門來婉婉知淑質伴讀荒邨中孤燈耿斗室冬寒夏苦熱亦足釀痰疾不意短姻緣明珠入手失罡風花乍萎暝霧月爲黑宵闌成此詩知汝哀惻惻

聞粵警

住世難逃世桃源亦戰場亂離無樂土烽火又蠻鄉小築延

朝爽幽懷送夕涼海氛雖甚惡去矣趣行裝

時余將之滬上

小讌蘭語悽明珠校書索贈新詩酒闌燈炮更盡香溫
別有棖觸走筆得七律五章書之金簃并寫寄天涯俾
領畧一段愁況也

見便含羞別便思多情轉悔識卿遲已虛別浦迎桃葉合向
章臺問柳枝擬託鴛媒通綺約好修鴛牒寫盟詞酒邊夢裏
真愁絕風味年來只我知

曲巷閒門阿那家香塵門外走鈿車風流心性工題葉骭蹻
年華感落花故里蕭娘成陌路窮途王粲久天涯青衫自有
辛酸淚忍向筵前聽琵琶

便擬溫柔老此鄉不愁才少恨情長綠髮春夢三生果紅豆
秋心九曲腸多恐前身是明月由來小字號珠孃迷香洞裏

今纔到準向花叢醉幾場

已教孤負夙生緣
晚晚春光總自憐
有約玉簫成影事
無題
錦瑟悵華年
難將恨石填
深海誰把情雲補
漏天今日看花
倍惆悵
髻絲輕颺藥爐烟

翠袖香消帶薄寒
熏爐斜倚撥灰殘
只緣情種生愁種
肯爲
新歡失舊歡
小別忍教長訣絕
此生合與永團圓
藥恩深義重
難忘却梅子中心本自酸

題改琦所畫仕女圖爲胡公壽作

背手東風有所思
心情未許等閒知
燈前人影簾前月
閒煞
黃昏小立時

十年影事渾如夢
四月輕寒猶中人
一種閒愁深似我
閉門
無計可留春

獨坐小窓見風吹落葉忽然有感因成一絕句

自憐早插紅塵脚帶水拖泥骨未仙
陡覺靜中微有悟風吹一葉墮庭前

連日陰雨鍵戶不出得二絕句

濃陰樹底閉門居剝啄無聲睡起初
獨坐雨窓無箇事調漿手自補殘書

不是攤書便攤飯焚香掃地斷聞根
王郎嬾散從今甚似海鶯花不出門

顧師寄示七律一章獎勵甚至謹步原韵奉呈

不工文字不爭名潦倒羸疎了此生
四海無家惟有淚十年壹意作孤行人
爲宕子求閒境詩入商音失正聲骨
相窮愁心性嬾敢言吾業竟能成

校書明珠微患慍羝戲贈一絕

酒半留髡夜未央
羅襦偷解玉肌涼
荻蘭橋畔春風軟
那識銷魂別有香

徐大以海上賣藥圖乞題書二十八字歸之

病足三年倒篋箱
囊中只賸宿春糧
平生嘗遍人間藥
要乞留侯辟穀方

寄楊三醒甫

花開不見楊汝士
憶著家園興味孤
病裏去年強作別
交春書札一行無

茗寮書所見

啜茗南園趁晚晴
眼前羈地見傾城
夕陽小閣東風峭
苦耐輕寒只爲卿

時余忘著半
臂久坐寒甚

入夏久雨麥爛米貴閉門養病作此遣愁

平生所過境強半付亡遺詩筆經春嬾離情因雨孤年荒難
自活酒貴久停沽愁見家人告明朝米又無

四月雨中盡卅年愁裏過展聲深巷冷蝸篆古牆多燈影涼
於水簾紋暗不波乞晴苦無策閉戶作維摩

戲寄孫澄之廣文

寒煙尙宿曉模餽剝啄柴門懼索逋欲乞孫郎書債了研螺
且寫調錢符

今朝又是花朝了今日詩成酒未酤偶憶孫郎多諾責酒錢
還肯送來無

記李七壬叔所述語

大道久凌夷卮言患日出福音從西來一變佛氏說佛氏戒

殺生西儒尤斥絕謂人萬物靈養生正資物生物本爲人供
我無不足殺以飽口腹詎得曰絜齋昔有艾約瑟談佛善闢
佛艾君字勉謹英國人著有釋教正誦偶詣國清寺與僧成面折兩爭未得平
僧笑其詞拙援譬以通情人物兩相絜猛虎居深山搏人以
爲活天生人於世豈亦爲彼設虎念或如斯子言殊未必艾
君置不答頰頰詞已竭李子歸述之使我解糾結戕生固非
仁放生究亦失鮮食古所稱特殺乃善術儒生治內心忠孝
根惻怛偶惜物命微豈足爲口實爲政綜大綱茲事特瑣屑
生殺兩可得何暇爲辨別一笑烹伏雌且以樂今夕

應試鹿城過馬鞍山下題壁

頭顱三十不成名竿木逢場悔此行重見故山餘涕淚喜從
老友話平生文章憂患兵戈感身世悲涼兒女情何日買田

容小隱好尋溪畔結鷗盟

夜宿獨悟齋

紙窓浙瀝不成寐古室獨眠夢易驚
暑見月光爲雨奪偏憎
燈蕊共愁生僻居閭巷猶安樂
多故江山尙戰爭
一夜孤衾寒似鐵
醒開兩眼聽雞鳴

偶過第二酸齋顧師剪燭命酒卽席有詩謹和原韻

春來百感總無端
拂面東風尙覺寒
佳節漸從異鄉老
門生直作故交看
十年放逐羞雞鶩
一輩飛騰傲鳳鸞
同學諸君多不賤
爭誇西笑向長安

三月二日顧師將設小醺招友石三丈及諸同人作竟夕歡先呈一詩以誌感卽用其簡友石詩原韻

契合襟期得未曾
勞炊雞黍集賓朋
買田故里虛辭畫
負米

天涯關斗升客裏光陰多感慨酒邊意氣尙飛騰春寒淒絕
闌干側催放庭花知不能

醒道招飲獨悟蠶酒後追悼嚴規生并示醒道

此夕銜杯大是難昔年朋舊半凋殘燈前各訝形容瘦地下
應憐風日寒不識何時重得見忍教相對渺無歡歌離弔逝
真淒絕兩袖沈瀾淚未乾

人天渺渺斷知聞花月淒淒已夜分一別西風嗟隔世重來
宿草哭秋墳死無後嗣知君痛生不成名愧我文冥漠精誠
定無間泉臺好把此詩焚
死友難忘生友稀每歸與子話心期十年湖海勞人夢一卷
風塵失意詩因果茫茫前定業乾坤落落數交知還家見面
時疏畧應未嫌吾過從遲

別范大

君病我忙欲見難歸來一月渺言歡東風又向天涯去臨別
匆匆把袂看

同恂如買舟至海上舟中無事偶作

風帆葉葉下吳淞渠自西行我欲東惘惘別離違故里依依
身世感秋蓬衙山暮色蒼茫遠到耳鄉音約畧同何處輕帘
貰酒市一樽共話對江楓

只爲飢驅欲住難登程扶母強爲歡相看白髮垂垂老尙覺
東風獵獵寒我輩消愁惟飲酒故人臨別勸加餐還家畧說
相思苦袂上啼痕應未乾

晚泊黃渡有懷

晚飯無聊酒一尊林梢罨靄已黃昏櫓聲漸緩行隨月人語

微喧知近村海曲鶯花今日盛天涯師友幾人存淒然不寐
緣何事剪紙重招宋玉魂

規生沒已
三年矣

小舟偈仄殊甚苦之因念此行慨然有作

紙篷偈仄僅容身坐便跣趺倦欠伸尋樂有方詩亦好破愁
無計酒相親只緣貧賤悲遊子那得安危托故人揮手忽忽
從此去茶蘼開到已非春
蓬萊清淺渺登天跋扈飛揚讓少年應俗文章方自愧傲人
意氣肯蒙憐買來馬骨知非駿老去蛾眉敢鬥妍放逐海濱
吾計左幾時歸臥故江邊

和管小異兩絕句

閱歷乾坤溷主賓早憐兩脚插紅塵夢中證得前生果本是
清涼山下人

勞勞送客復迎賓已分微生墮劫塵明月一窗鐘一杵惺然
夢醒別無人

蘅華館詩錄卷三

長洲王韜仲弢

爲歐陽子庸題墨牡丹卽步原韻

富貴何須更炫粧一空色相自芬芳未除黑業歸香界且著
緇衣搨法王點筆東風辭絢爛卷簾殘月照昏黃迷離艷影
渾難辨燭暗幃深夜已央

題後復得二絕句

圖成潑墨妙丰姿翻遣風流出墨池俗眼於今尙皮相及春
何不買胭脂

老去元妻空色相窮來墨客少文章天心亦自歸平淡香國
重封號素王

贈歐陽子庸卽送其從軍江甯兼和原韻

海內烽烟滿栖栖靡所安但期成壯志豈是戀微官作客羞垂橐逢場促上竿聊將知己淚遙向秣陵彈

養親兼報國素志已無羞肯向風塵老詎爲升斗謀枕戈殘月落擊楫暮潮愁殺賊平生事功名笑馬牛

贈李壬叔卽送其之吳門

西來絕學當今稀疇人法在誰能知海內作者三人耳徐戴而外君當之君於歷算由天授時有妙悟參乎微闡幽啟秘早歲出

君著有方圓闡幽孤矢啟秘
金山錢氏局刻於藝海珠廳

聲譽久已儒林馳不希

時尙甘寂寞貌古學樸能深思地球繞日月環地胥循軌道相推移古今源流聞屢變動靜異說禁如絲惟君精心具特見縱橫辨論人稱奇唐虞授時初講歷周髀古術姬公垂何年流傳入荒域官學乃至在四夷中法至久亦漸密譬若積

薪弟踰師况從利氏入中國兼收並採多取資近日臺官用
西士長調玉燭和咸熙惜君姓名未上達當途拂拭今非遲
茗南宿學世推重三吳開府盛文詞擬設專科尙天冥挽回
士習君所期羨君此行酬夙志 明廷大用有其機臨歧珍
重贈君語欲別未別空欷歔

尹大將回嘉善與一平話女子同舟作此調之

尹郎此去是仙鄉特祝東風趁野航艷福幾生修得到片雲

吹下杜蘭香

女子
姓杜

贈何梅屋布衣

何郎才調古無敵贈我新詩鮑謝匹綃以錦繩發光恠挑燈
一讀一擊節讀罷拔劍斫地歌當今滿地兵氛多囚繫困鵠
不得意相逢海上悲如何吁嗟厄運遘陽九坎軻流離無不

有才人失職倍傷心故土成煙靄回首少時意氣輕風塵胸
中所有非詩人今已無家嗟泛宅約將傾橐買比鄰

贈詩中
有顯鎮

十萬買比
鄰之句

東南一隅此樂土挽輸千萬誠何補誰說文臣不

愛錢到底將軍宜好武平生踪跡溷屠沽猶存吾舌真非夫
幾回投筆思殺賊母老敢許以馳驅書生獻策既不用庸奴
富貴何足重誤國誰完墮地甌鉢時莫任擎天棟托身莽
莽此乾坤把袂樓頭與細論休誇行篋詩千首且盡當筵酒
一尊

杭垣失守旋聞收復誌感

金碧樓臺一炬空者回劫火太匆匆蒼黃守禦無長策僥倖
驅除計戰功豈繫偏師能制勝獨拚孤注見英雄西湖久有

詠茅想追念前游感慨中

余於戊午
九月至杭

贈湘鄉二左

湘鄉左二名父子胸羅萬卷富文史阿兄經濟稱妙才坐令
一家兩國士方今海內苦烽烟四郡良家同轉徙避吳逃越
無甯居一角羈棲暫至此此才奚許俗眼知眉間颯爽生雄
姿腰懸寶劍自言利不識天下健者誰長掛見我獨傾倒憂
時謂我同懷抱願酬知己報國恩從戎手把橈槍掃身世
艱難獨愴然江湖安得容高眠時亂民情益險惡不如歸隱
湘江邊春申浦上日見面文采風流軼羣彥煮酒談兵氣自
豪忠孝心肝終不變湘鄉二左三楚雄吳門亂後初相逢願
從君去隱湘水上下追逐如雲龍

年來諸友中多凋喪者詩以志勸

歎逝嗟卑意興窮光陰黯淡酒杯中論交朋輩凋零盡報

國文章涕淚空別浦荒荒流水綠墓門寂寂野棠紅幾回欲
作唐衢哭宿草淒然暗夕風

滬濱雜感

括貲餉士財無繼築塹圍城賊未擒天貸元凶成白首地難
盡鑛出黃金連營師老生驕志曠野聲多變徽音眼看東南
全局壞獨搔短髻發哀吟

一春三月逢晴少十萬連師決戰難兵氣不揚沈苦雨殺機
先兆作嚴寒已知乾象關時局且望人才策治安今日須籌
攻守計隄防首在障奔瀾

窮寇何知連趙魏潛踪竟爾出陰平但求緩死拚孤注不謂
同時潰列城環壁援軍曾幾戰守陴鄰卒日三驚本來吳越
爲唇齒賊退齊聞慶再生

連疆吳越爲憂大半壁東南一擲休四郡蒼生同陷賊百年
殺運始逢秋賀循身幸離江表陶侃軍猶次上游欲叩營門
獻奇策書生命不合封侯

江南乍見經烽火直北俄聞動甲兵拱極星辰愁失位環城
將士忽空營中持和戰原非計不在恩威始乞盟我正艱難
渠跋扈海疆此後患方生

屢思蹈海愁鯨鱷欲作還鄉滿虎狼身世已窮惟欠死乾坤
多事亦徒忙昔年朋輩今殤鬼舊日湖山新戰場要覓目前
乾淨土滄波一片浸斜陽

偏隅尙得爲安土避地還能作寓公憂世豈真無賈誼論交
早已薄揚雄萬方戰伐悲新劫一代文章有變風苦向諸君
相告語要將何策羽翼昌隆

能爭運數扶衰局要靖艱難造此方自古將才生亂世卽今
阜隸起戎行朝廷屢詔搜巖穴草野何人動廟廊天下
事真從此壞倦開醒眼閱滄桑

喜周毀甫至上海

喜爾能來此孤身脫賊邊相逢多難日還望中興年吳越無
全地東南僅此天爲談兵火事涕淚各潸然
世情不可問相見且銜杯離亂真同夢憂虞總損才風塵奇
士困忠孝寸心哀再造知何日皇天正釀災

我生

吁嗟乎我生何不銘金石乘風雲勒功燕然成奇勳拜手虞
廷襄郅治賡闕殿陞典謨陳不然生在昇平日讀書識字勤
耕耘飽看吳越好山水沒齒不見兵戈塵何爲厄運丁吾代

十年楚粵揚妖氛皇穹忽傾大地裂東南此日無陽春天心
視民若芻狗方以肅殺行至仁嗚呼我生早知有此日禍福
倚伏如相因寇災卽由吏治始積弱生玩多因循朝廷粉飾
諱兵事保疆一切等具文牧令初無專閫寄權輕責重名空
存前者曾獻二三策譏以無病爲吟呻事急委任又大謬坐
使虎豹當門鬪紛著赭冠逐賊騎徒揮白羽驅市人平時籌
備百無一空眷赤手豈能軍志長才短惜孤立只辦一死酬
君恩誰居上游棄不守坐令流毒殃吳民往談經濟何慷慨
迎合主旨原非眞眼看四郡成白骨偷活局外置弗聞猶復
植黨互訐劾公論終在國法伸吁嗟金閫我鄉國回首浩浩
烽煙昏繁華旣同灰燼滅親朋化作青楓燐賊旣踞城還掠
野逃亡八九成空村我姪混跡匿蓬蒿我姊盡室徙江津貧

者結筏富者艇菰蘆深處如鼃蹲我母耄年邁此變爲話兵
火多酸辛我居此間尙甯謐敢幸安聚忘離分吳城三月火
未熄江頭望斷援軍屯昨日客來示賊狀縱橫涕泗沾衣巾
丈夫拔劍誓殺賊逕持寸鐵奔狼羣手梟賊頭擲帳上功成
卻賞名甘淪不知我志果否遂母在未敢輕此身吁嗟乎我
生正值亂離日長此局促海之濱

何年

離亂時光百慮侵獨從中夜發哀吟何年江海消兵火已覺
文章變徵音養士朝廷終食報降才天地豈無心會看否
極名賢出手障狂瀾挽陸沈

喜姊氏至自吳村

涕笑無端孰我憐今朝江上至吳船死生骨肉重相見驚喜

家鄉尙得全差幸賊邊存老友却愁亂後送華年此身可是
閒無用爲撫頭顱一慨然

贈金陵汪大燕樓

汪郎矯矯稱奇特雙腕云有百鈞力結髮從軍意氣豪平生
志早吞虜逆倚馬草策獻軍門欲使海內靖鋒鏑一自從軍
不得意乃來滬地溷蹤跡相逢忽在酒家樓談兵酒半動顏色
吾謀不用氣沮喪飄零市上無人識東南一隅今重鎮賢豪
於此集裙屐左家昆季俱好事長者經濟尤無敵一見汪
倫盡傾倒痛哭高歌傾一石有時擊劍向伎堂裸身大叫劍
光擲仕女寫出娟可憐疆作腐儒弄筆墨

燕樓工
畫仕女

嗚呼當今

吳越苦烽煙何不苟戈去殺賊

送左大孟星回湘鄉

君家好兄弟與我最相親
雖亂逢知己艱難見性真
兵戈橫南北天地正風塵
同有飄零感栖栖到海濱

世尙攻文字時方重將才
楚南兵可用薊北釁誰開
報國廉頗老陳蕃賈誼哀
撫時堪一慟欲別更徘徊

名父須承業偏親尙在堂
蒼黃走吳越豐稔念江鄉
何處無兵甲當秋足稻粱
好爲天下重且復罄離觴

哭舍弟諮卿

弟名利貞字叔亨少承庭訓年十五予授以帖括性
慧能文而浮沉童子軍中卒未有成卒年二十有七
時庚申八月八日也嗚呼余上有三兄皆不幸早殤
僅一弟而天又奪之孤雁哀鳴其何能已

惟我與汝耳汝今又已矣
汝才非後人汝質亦素美
少小恃

親愛失學從此始趨踰爛禮節塗飾尙綺靡此志一務外遂
致疎書史家貧作蓬轉往還道淞水在路負駒光漸壯增馬
齒我旣困飢驅汝亦誤听弛漚上况繁華鴉雀聲如市碌碌
餘子中誰其爲國士猝爾遭亂離更使煩憂起一病迄不痊
雖沒其猶視痛殺北堂母同誰奉甘旨三兄殤可嗟一个弱
如此衰宗安得振時隕滂沱涕隻鴻迷所向此痛何時止

從舟中望金陵諸山

擊楫中流素志違片帆迅挾浪花飛江山滿目悲殘劫雲物
遙天有殺機六代興亡王氣盡中原戰伐霸才稀愴懷爲灑
新亭淚風景依然時事非

寄湘鄉左大

遘亂離憂百事灰平生懷抱幾時開萬言羞學縱橫術四海

誰知經濟才兄弟友朋皆至性婦人醇酒有奇哀湘雲吳樹
參差裏珍重江干報札來

今我

今我不樂天未光落月慘淡來枕旁推枕起坐耿不寐靸履
出視心徬徨明河如繩亘南北射目一星芒角白眼看乾象
應人事堪怪羣公無一策名都陸沈已二年恥與逆虜同戴
天州郡頻聞作盜窟江村屢告驚烽煙邇歲脂膏竭民力此
日更嗟民命畢爪牙四出爲搜羅供官不足乃供賊昨者將
軍大出兵三日猶未行一程但看白日坐釋甲誰肯黑夜前
斫營男兒事急一死耳東南大局可知矣安望危時出將才
還冀破格收國士腰間雄劍忽吼鳴劍乎何事鳴不平要殺
萬賊決身死好令四海欣時清寒雞失號動物蟄荒荒一白

愁獨立明河無聲若倒流何年用汝洗兵甲

偪仄

宇宙日偪仄山川覺慘淒有城容盜賊無地著耕犁直北俄
烽火行南尙鼓鼙餘生憂患盡轉顧葬溝溪
消息近來昧風塵到處迷禍原因怠玩覺早兆端倪邊患移
心腹兵防決岸隄所嗟吳下地誰爲撫邇黎

何處

何處能容一放狂故園回首久滄桑已無隙地安書卷豈有
深山著草堂此輩竟非同日月吾儒自合死疆場提戈便欲
從戎去轉念高堂髻髮蒼

何處能容一放狂乾坤慘淡意蒼涼揮戈僅得廻三舍縮地
猶嫌限一方難作神仙逃劫外愁無羽翮到君旁褰裳便欲

凌滄海北望沾襟是帝鄉

何處能容一放狂河山舉目足悲傷駐顏休乞長生訣避世
先求辟穀方已看寰中無樂土只除夢外是愁鄉此身恐作
逋臣老報一國思親淚兩行

頻年

憂時只覺髣髴毛非厭聽頻年說亂離帶甲幾疑天地滿運籌
誰答廟廊知堪嗟吳越無完卵尙望淮徐速濟師祇是目
前已難料况能遠慮計安危

吾策

財匱民爲賊時危盜卽兵循環機早伏涕泣亂方生世尙言
招募人方重權征誰將吾策用一爲達斯情

至茸城擬浮鼉山未果

憂時懷抱鬱難開到眼風光總覺哀入世未能成獨往談兵
甘自作蠹才無情天地空生我多故江山怕再來消盡平生
登覽興神壘咫尺竟空回

有客

有客闐然來我方治典籍昂首驟見之且起揖之入據案頗
意氣尚未及論說頤指問何書一若甚弗屑隨手翻一編乃
是治安策卽舉向客言此文茂經術維漢賈長沙憂世心兀
艷生當盛隆際痛哭扶掖結所嗟王佐材未得躋卿列其言
不見用偉議空今昔經濟與文章源流本無別客聞一掀髯
掉頭言未必曰今何時哉乃尙守佔畢烽煙滿郊野荒城積
白骨名都旣陸沈旁縣告屢失昨聞逃氓號狂賊又四出誅
戮無遺嬰搜掠到村僻老者逼槍登壯者驅鋒鏑將去付一

炬百里無完室余驟聞斯言目眦怒盡裂吁嗟東南民邁罹
此巨厄丈夫誓報國何不死疆場擲此腐兔豪裏以新馬
革休談紙上兵空言鮮有實兩石弓當挽一个字勿識甯願
持戈矛詎肯弄筆墨不見古賢豪危時勵志節祖逖夜聞雞
陶侃朝運甕抱此澄清懷冀與勞苦習況今正艱虞應不遑
暇逸何猶競文字向人談著述痛茲摺紳流徒工帖與括謬
謂致昇平和聲鳴金石一朝事變來束手先惴慄上者坐因
循一死以塞責下者圖苟全扁舟走倉卒彼賊豈能兵貸死
爲衝突長驅若無人半壁供一擲所冀前事快來軫鑑覆轍
何尙昧昧然舍本而就末此間雖幸安比之爲偷活豈真能
保疆恥哉藉人力徒以覲然面觀彼驕盈色况聞北來警疑
信要難測仰觀天上星屢吼匣中鐵挺身赴急難授命在今

日豈能效君輩從容事游息盡如君讀書何人去殺賊我聞
頗有泚欲答辭先竭再拜謝客言從今請投筆

賊至

吏才惟見籌軍食將畧徒聞築堡砦賊至城空兵不戰民窮
財匱盜如毛哭途阮籍行無地彈鋏馮驩氣尚豪我欲問天
天不語獨將短鬢首頻搔

殺賊

客裏春光眼倦開况經世亂怕登臺江山北固虛雄鎮金粉
南朝付劫灰遍歷艱難惟欠死屢思著述苦無才何人幕府
能籌筆殺賊功成奏凱回

對酒

對酒何因再嘯歌側身天地閱千戈百千萬念空無盡三十

五年憂患過迴首已無鄉土在傷心半爲國家多卽今溝壑
流離者何策使之致太和

戲答人

士以挾貧驕富貴犬因見怪吠衣冠世情今日趨逾下矯俗
還當出俗看

避居西廡和東坡獄中遺子由詩寄里門補道人

倉皇烽火逼殘春蹈死孤臣敢惜身報國空陳平賊論辨
冤誰是上書人早拚骨肉填溝壑妄冀功名祟鬼神一切恩
情盡灰冷君親好結再來因

燈盡宵長夜雨淒淒親所養首頻低書來此日憑孤雁腹痛
他年奠隻鷄地下驚魂招弱弟江邊收骨仗貧妻比鄰杞菊
成虛語合葬天隨舊宅西

別上海作

東去魯連成蹈海北來庾信已無家
從今便作天南叟忍住饑寒閱歲華

吾道

吾道非歟竄天涯窮愁不足禍相加
孤身萬里難忘國殘夢千回總到家
末路艱難輕著述餘生黯淡厭年華
客邊不見春光好一任東風送柳花

九原

路逢老嫗念慈親追憶親顏倍愴神
白髮尙看稀著鬢青黎猶未要隨身
一生衣食無溫飽卅載家庭費苦辛
若至九原能見面安辭泉下奉晨昏

餘生

餘生棲海國殘夢落江津未變塵中貌空存劫外身故人成
隔世異地又回春丹荔黃蕉裏思鄉倍愴神

韜跡

韜跡潛形恐我知蠻鄉風物祇增悲破家亡命同張儉複壁
餘生類趙岐亂世文章空賈禍窮途性命尙憂時蒼茫天意
何從問淪落窮荒任所之

北望

側身北望集煩憂留滯天南隔九州大地春深回草木故鄉
亂久廢鋤耰難言往事惟餘淚尙戀殘生轉自羞溝壑可填
應早計漫持故劍報恩讐

到粵

龔才拚潦倒壯歲值艱辛世亂言皆罪謀疎志未伸陸機空

遇謗王粲慣居貧海外從偷活因茲養性真

避跡非逃世逢人怕聞名已知成棄物何得尙談兵殺賊雄心在還鄉噩夢驚七千餘里隔悵望暮雲橫

浮名復何益文字竟爲災書未鄒陽上情同庾信哀離家成死別蹈海豈生回吾主終明聖嗟予自不才

南行

皇帝初御宇萬物蒙休澤微臣幸不死避讒如被謫倉黃作此行身南心在北矯首浮雲徂呼天淚沾臆中原雖曠蕩舍此將安適默自籌生平欲訴哽未得吾生宜宗朝時當全盛極少小恥求名文章曾致力所居在甫里中吳富典籍詩凌鮑謝儔賦欲班揚敵三上而三黜甘心臥泉石一朝走海上生涯送潮汐十口敢累人兩脚驅衣食頻歲遭艱虞恩仇徒

感激本以澹宕姿俯從鉛槧役語言辨支離點畫須重譯雄
心無奈何鉅險急何擇非才固不容自棄非關斥 朝廷方
求賢遑爲腐儒惜狂烽燭粵西三楚陷鋒鏑九江俄失守橫
決莫可抑此關據上游形勢雄四塞如何棄之走肉食空誤
國金陵帝王州乃爲豺虎宅臣韜憤填膺撫劍長太息恨不
效厲隼高秋迅搏擊江南苟一隅所事尙粉飾燕雀處高堂
桑土競營織東南互市開重鎮誇儲積人才等附羶於此集
裙屐固多文字交豈無國士識亂世奇姿多投筆事騎射聞
雞蹴劉琨逐鹿斃石勒鯁生謬見推許身期契稷天心未厭
禍江上橫羣逆痛哭三吳民生未見兵革列城弱藩離雄關
失扞格潰覆不浹旬僨事伊誰責慘罹塗炭中居民嗟蕩析
臣韜切鄉里悲懷曷能釋裂眦復握拳誓將身一擲維時當

事者徵訪到蓬蘚謬博愛士名每見屢側席一言許馳驅冒
危遽捧檄置身豺狼近殺賊先結賊陳平縱反間彼自剪羽
翼密已圍鄉兵聯絡盡村僻人寡擣賊虛發遲俟賊隙謂將
制賊命反正在頃刻豈料譏謗興遽已疑形跡知多止棘蠅
不少含沙蜋心求此何因豈以言切直負罪杜牧書傷時買
誼策見者輒詆訶遑諒由忠感今者藉有端其禍且不測扁
舟抵死往旣聞敢避匿誰將我辭陳披見此肝腸豈意惜人
才乃出自異域深知我銜冤復閱我孤特致詞辨再三當路
意不易殺士等殺賊爰書擬重辟窮儒性命薄勢位彼烜赫
指龜已成鼃清素漸訛黑曾參竟殺人宰予爲陳客趙鼎附
僞楚遺山頌虜德古今同抱痛一喙不如百閉置西人舍誰
來慰淒寂百三十五日消息漸危逼魯連乃蹈海倉卒登郵

船揮涕對江樹分與永離隔嗔吁行路難天地皆荆棘海濤
若怒號天風吹鬢白飛輪激浩洋遠帆退六鷁斜照浙西山
遙辨蒼翠色夜深篷背雨併作眼淚滴三日福州城生聚嗟
萬億年來急徵輸共諒閩土瘠危峽湧雲霄石惡多露脊天
勢作屏障東西連削劣絕島峙海中新是西人闢重崗盡童
赭樓臺煥金碧間舍有逢迎甫集驚魂魄主人意良厚憐我
在屈厄譯館彙羣書烏焉命讐覈烽煙正瀕洞黎元已創劇
側聞借西師攻城多斬馘絕江大將來會見新壘壁吳東疾
進軍捷書馳日夕漸已集流離成羣度阡陌前時等兒戲猶
屢書奏績吁嗟駟僧材謬厠公卿秩遑知慎管庫乃復效貨
殖徒能竭脂膏從未臨疆場所需撥亂才造此中興祿被迫
成驅遣應爾未能默聞八月中旬吳秋氣蕭瑟臣韜始戾止

憤懷所閱歷四顧憂無端九閭不可陟浩歌發蒼茫畢世阻
遐邇終荷生全恩敢忘 聖明辟

述哀

我欲聳身凌高穹振聲一哭天帝耳爲聾我欲擲身下九泉
見我慈親兩載前容顏嗚呼我生何不逢盛隆何乃不自我
先不自後有此鞠凶丁我躬東南半壁天地頽白日忽匿黃
埃吹儒生報 國苦無術欲縱奇聞先結賊彼反覆者稱梟
雄卽假其手剪羽翼此意未先白上官誠恐謀洩身難完冀
入虎穴得虎子謗書倉卒來無端我未殺一賊人殺我者先
跳身偷活南中天南中地氣苦卑濕疾痛并與憂熬煎時念
我母涕泗漣嗚呼我母之沒時同治紀元七月廿四日其日
驕陽暴如炙我心但覺氣陰慘汗盡化爲血淚滴我時事正

急避匿一斗室不能出見母但以頭搶壁生弗能養死弗視
吁嗟安用爲人子我母生我五弟昆三昆早逝弱弟存自從
弱弟前年死我母戚戚無歡欣眼看鄰里歸不得親朋消息
來非眞驚危焦慮損肝肺一憂實種百病根自父見背十三
載支持門戶多苦辛冬典寒衣晨慮粟何嘗一日眉頭伸忍
令含愁入地下咄哉造物胡不仁哀哀我母誰喚之起無母
之人長已矣嗚呼嗚呼母不臘哭母母不聞空懷一片思母
心但於夢裏來分明嗚呼男兒立身在忠孝生我之恩未一
報平生萬恨填胸膈呼天敢向皇穹告

粵中逢包孝廉

東西南北干戈裏轉徙飄零吳越間今日相逢萬里外不堪
重話舊家山

到粵後寄里中補道人

此行雖好總淒孤倉卒登程半字無詩酒窮鄉惟有子烽烟
滿地正多虞百年運會逢危局兩戒山川壯霸圖海北天南
飄泊裏幾時歸話故園燕

偶遣

吾舌猶存吾道孤天教生看粵名都涕洟肯向窮途灑肝膽
還因杯酒羈但擅文章真下策不更憂患笑非夫投荒萬里
成浮海奇絕茲遊昔所無

悲來

悲來拔劍不成歌潦倒羈疎奈爾何痛哭當關皆虎豹獨拚
入海斫鼉鼉天涯骨肉能存幾地下親朋已漸多屏跡遐陬
吾敢憾養生正欲托巖阿

粵中市僧書字多不可識絕無意義

錯書喜效李林甫意造專師曹景宗舉筆偶然思一適只愁
奇字間無從

我詩

客來問我詩我詩貴篤摯譬如和太羹其中有至味平生所
遭逢自言無少諱滿胸家國憂一把辛酸淚書必讀萬卷筆
不著一字從未區宋唐惟在別真僞我當少年日詞亦工側
媚花月賦閒情帷房抽綺思甫踰弱冠年飢驅遂入世室無
半月儲袖減三年刺從茲歷艱難稍復尙意氣躍冶動見憎
懷才安得試逮乎憂患來置身幾無地冷眼識交情熱衷絕
世事但知吟亂雜不能飾平治但知樂飢寒不能炫富貴
唔秋草根聊以鳴吾志不求人見知永爲世所棄客乍聞此

言悚然欲退避揖客且閉門將詩藏敝笥

五月食荔支有感

嶺南荔支天下奇昔徒傳聞今始知或言閩蜀更勝粵我未
之嘗敢瑕疵火山四月紅于火擔夫入市紛道左老嫗一見
口流涎會須一啖三百顆不煩纖爪譬絳糯白露冰雪仙肌
膚更憐消渴溢瓊液風味勝絕平生無金婆楊梅等奴婢西
施玉珰堪比擬不愁內熱解蔗漿一枕酣回甘澗齒幾忘被
譴在炎方爭此口腹無乃荒東坡肯將一官擲嗟我非才安
敢望吾聞諸楊昔橫恣天寶歲取騰驛騎未終一曲荔支香
馬嵬塵起蛾眉逝誰知作俑是尉陀貢始武皇罷漢和盛
德豈復貴尤物啜包曾不驅明馳人生有好都爲累況我南
行不得意回首前年今日時那堪對此彈鄉淚

有感時事

兵戈滿海內，覲此走偏隅。家室知難問，親朋信漸無。文章開
百粵，盜賊橫三吳。喜聽王師捷，憑城勢日孤。
世事誠難料，蒼生劫未終。借師能助順，飛檄善橫攻。嶺嶠鯨
鯢奮，滇池豺虎雄。書生思報國，徒此抱孤忠。

聞官軍復崑山寄里中補道人卽用其寄粵原韻

天南忽見捷書馳，喜聽崑城已進師。不用山中陶甲子，重看
江上漢旌旗。中原戎馬傷多事，小劫滄桑感往時。只是欲歸
歸未得，沾巾北望反淒其。

無才何敢妄談兵，但祝還鄉早息耕。何日王師休戰伐，卽
時故里覩昇平。飄零遊子仍天地，慟哭良朋半死生。劫火元
亭幸無恙，投書萬里見交情。

頻經遺竄隱菰蘆肝膽輪囷尚故吾亂世功名惟殺賊雄才
詩酒亦窮途十年兵甲全吳困萬里親朋隻字無誰肯上書
籌國計流離爲繪鄭監圖

東甌南嶠望中分任尉城邊暗夕曛海角羈人餘涕淚陣前
諸將策功勳傷時買誼過秦論勝箕廉頗用趙軍急爲借鑒
須橋穴長江從此息妖氛

雨中得友人書并憶吳興包孝廉

時官軍進師蘇州之唯亭鎮諸鄉安集多有耕播者
海天氣候殊中土風雨連山六月寒十日閉門無客至江南
書到說平安

家鄉無恙冀歸期便送君歸我更悲甫里依然杞菊在平吳
猶恨進師遲

續夢中句

已薄功名等芻狗徒工文字學妃

此二句夢中作

乾坤多難身還

在忠孝無成志竟違河朔王通慙獻策關中龔舍美知機從
今絕口談兵事閉戶空山對夕暉

至粵已逾一載辱江南諸故人投書問訊作九言一首
寄黃六上舍潘大楊三兩茂才

嗟我昔年出門作近遊今乃放眼萬里來番州不因被謗亦
不得至此天之厄我乃非我之尤男兒墮地本是輕離別擲
身滄海何憚阻且脩此間一島大水來環繞茫無涯涘四顧
興百憂時誦東坡之語以自解土三水七人本居於洲中原
理亂久置不復問但目見擾雜耳聽啁啾我胸空洞本無一
物著憂歡悲樂境過輒不留惟有君親友朋時在念今日欲

思報答嗟無由生平嗜好多足累學問自遭放廢棄之如贅
疣吳中徵逐每苦不得息今且閉戶任聽先生休得閒方知
一日如兩日動必多咎惟靜可自修有時默念我生之所作
百無一慊悔恨兼慙羞。嗣皇龍飛閏八月來此迄今十月
歲已逾一周炎方景物種種傷吾意氣候不常迴非中土俾
視天常低視日近若炎冬或著絺盛夏或披裘魚龍怒騰欲
雨氣腥臊一黑千里颶起搖陵邱飛蟲細蚋經冬猶不死炎
飈毒霧白晝鳴鵩鵩我初來時厭此土性惡常畏煩熱委頓
病洩嘔瘦妻嬌女啼哭思舊土一家四人臥床無一蓐半椽
矮屋月費錢半萬風逼炊煙入戶難開眸木中蟣蝨啗人若
錐利爬搔肌膚往往至血流出見販豎傭牧亦低首時雜嘲
弄譏笑閨楚咻俗惑鬼怪詐悍吁可畏小嫌裂眦動如夙世

響我聽其言一念寂不起死灰槁木人我兩悠悠人生但當
隨時爲排遣惟性所適大化與沈浮時和卽春花開卽佳節
有菊有酒有月爲清秋嗚呼古來賢豪南遷者不免蹈海性
命委輕舟不見昌黎上疏乞恩貸訴陳疾厄深慮填渠溝子
厚詩文滿幅皆悲怨劍鉞割腸自恨爲山囚盍思土著生長
亦人耳彼何安樂我何多煩憂我今誇述非以勸君聽至其
佳麗誠足甲南陬南村楊梅北村之盧橘香蕉黃橙不論錢
可售紫綃紅繒徑寸之荔支玉珧下酒風味欺蝸蚌粵西善
鮓粵東尤善鱠薄肌細理沃醪雜薑蓼此其小者不過誇口
腹若臨山水閱歷深綢繆此島已非我皇之疆域追論僨
事令我久啾唧從來誠信足以禦四裔獸窮則攫毋怪稱戈
矛彼公將畧稱爲不世才胡乃出此天意非人謀至今溟渤

波恬息猜訝駐以重兵建置由豪曾經營十年蓄意善招集
蠲灘鰲背開此風光幽賈胡居奇光怪炫列貨四重金碧多
喜居層樓天下兵動江浙又塗炭衣冠避臣經此盟海鷗吾
聞五羊城中仙下遨最好深宵風月珠江頭孟冬朔日海嶼
風始寒我來憑弔直欲驚蛟蚪今昔江山不改霸才去前弔
任趙後又悲孫劉龍川一尉崛強不臣漢陸生掉舌折服功
可俟孫吳區宇幾盡奄南服始築城垣闢地民居稠李唐末
造居民忽鼎沸嗟哉黃巢一炬遭踐蹂不知禍亂乃以開英
傑劉隱乘時竊據雄上游中朝人士流寓爲謀主一時二嶺
五管指掌收玉堂珠殿土木疲民力鼠入牛角國勢漸不遑
天水真人崛起混宇內珍異盡輸天府輦琳瑯興亡轉瞬小
朝廷日蹙八閩旣覆於此暫逗遛崖山忠憤千古泣神鬼慈

元殿燼廢寢迷松楸有明君臣妄冀挽天運崎嶇鯨足稱帝
誠苟偷螢光燭火豈得爭日月唐殲桂檣萬載輦 皇甌平
南開藩晚節壞孽子富貴豪華頃刻同蜉蝣荒宮古屋寂寞
作官廨烟泣石獅寒雨啼林鳩歔歔懷古令人意盡矣感愴
身世瀛海一浮漚人才渺然吾未得見之重崗窮荒地氣少
淑柔慷慨疏爭是真奇男子當時名儒挺出媿魯鄒詩家大
宗獨數梁陳屈海雪畸人一死志莫酬山川寂寂倏馬二百
載坐令此輩曠世渺無傳返轡歸來兀坐塔若喪辱君書札
萬里遙相投急呼燈讀數行猶未盡鄉淚如綆昏眼嗟頻揉
昔賢欲以文字開要荒結茆作屋墾土爲瓜疇視若鄉里其
意豈不好咨嗟自審吾念獨曰不側聞 王師每戰動獲捷
士氣奮揚中外胥同仇三吳版籍收復已逾半流氓安集農

女勸蠶黉寇衰勢窮各將鳥獸散中興繼烈佇見脫堦螯衆
樂昇平悲我不得預尙冀聖恩祝網開蛛蝥我本三吳甫
里之狂客盍容我歸學圃安鋤耰空抱此願未識何時遂鳥
驚弋繳獸恐罹置罟粵雖全盛邇來亦小減轉饒七省大吏
煩徵求時艱才出此事每束手惜民一疏勇退辭節旂嘻吁
今日非猶昔之比安得鄭俠繪圖陳晁旒書生饒舌豈不憚
罪戾不知自有肉食爲國籌終年俯首讐校已短氣近輯尙
書眞僞誰彈糾河東書篋十未得二三那能一一備我恣羅
搜勞君馳寄慰予遠望懷詩罷但聽屋角風颼颼

聞官軍收復蘇州有感

金閶重鎮扼三吳因壘增師賊勢孤已見降幡連夜出早傳
露布萬方呼壞雲壓堞奔豺虎殺氣沿屯走鼠狐從此閭閻

靖烽火耕桑好納太平租

滔天書竹罪難窮貸死誰論斫賊功窮寇難逃甘下策危時
能斷具深衷萑蒲一例消萌孽將帥頻年用戰攻非種誅鋤
仁術在伏辜慢與殺降同

燄火騰空賊膽消橫江組練繡旗飄安危大局關天下焦爛
餘形答 聖朝奉詔已書蕃將續收功轉忌客兵驕羈縻長
策時難用誰識江充論最超

大江計日掃長鯨細柳猶連上將營吳越未全歸版籍臯夔
何策答昇平卽今綏輔須儲粟况復關中尙用兵益旅輸金
匱宵旰杞憂豈合到儒生

與人書不答

未應韓老偏疎我應是嵇生嬾作書誰惜寥天囚獨鶴翻嫌

多事遭雙魚論交四海輕劉備乞食窮途泣伍胥萬死投荒
豪氣在無求終歲閉門居

元修契順從來少趙德符林亦未逢一字懼爲他日累此才
轉賴異邦容文章豈必關科第風義原難望俗庸被譴何因
緣語禍敢輕出口諂渠儂

蘅華館詩錄卷三終